

dutranĉa klingo kun tenilo. Vd SKERMI.
 ~filso = ksifio.

* **Spaliro.** 1 Vico da fruktarboj, kies branĉoj estas rektlinie, ebene k plate alfiksitaĵoj al muro aŭ latkrado. 2 (f) Vico da homoj rektlinie starantaj laŭlonge de vojo : *soldatoj formis ~on B.*

sparko ⚡. Elektra fajrero.

Spasmo. Nevola forta streĉo de la muskoloj : *la infana koreto batadis per forto ~a k disŝiranta Z.* Kp KONVULSIO.

* **Spato.** 1 Ĝenerala nomo de pluraj mineraloj lamencaj, brilaj k diafanaj. 2 Malsaneca malmola tubero en la subgenuoj de ĉevalo.

spatelo □ ☞. Speco de plata kulereto, uzata por miksi aŭ sterni duonlikvaj substancojn, aŭ por meti farbojn sur palettron.

* **Speco.** 1 Subdivido de genro; grupo da vivantaj estaĵoj prezentantaj plurajn difinitajn karakterizajn ecojn, kiuj konsistigas heredan tipon, ordinare neŝanĝeblan en la nunepokaj kondiĉoj. 2 Aro da estaĵoj aŭ objektoj havantaj komunajn karakterizajn ecojn : *iu ~o da bestoj Z; ĝi havis en si ian ~on de flartabako Z.* 3 Karakteriza eco aŭ maniero : *divers~aj vazoj; diversa~a literaturo Z.* **Super~o, ~aro** = genro. **Sub~o.** Subdivido de ~o; grupo da vegoj, kiuj apartenas al sama ~o, sed iom malsimilas inter si per kelkaj negravaj karakteroj.

* **Speciala.** Destinata por iu aparta celo, neĝenerala, nekommuna : *pri tiuj ĉi kaŭzoj, kiel tro ~aj, ni tie ĉi detale ne parolos Z.* Kp APARTA, FAKA, PRECIPA. ~e. Laŭ ~a maniero : *lingvo internacia apartenas ~e al neniu nacio Z.* Rm. : **Speciala** montras destinton por difinita celo : *oni uzas por tio ~an maŝinon; mi venis ~e por la festo.* **Aparta** montras malkunecon, diferencon : *ni pritraktos la du aferojn aparte; li tenis sin aparte.* Ofte ĝi montras elstarecon, eminentecon, distingindecon : *la lasta ero en la programo estis aparte (precipe) ŝatinda.* **Precipa** rilatas al grado de kompara graveco : *mi atentigas vin precipe pri tio; mi ŝatis precipe lian lastan verkon; ĉiuj devos iri, sed precipe la plej junaj. ~isto.* Profesia fakulo.

specifi Z. Precize k detale difini : *~i la reciprokajn rajtojn en kontrakto. ~a.* Havanta speciale difinitan karakteron.

Specimeno. 1 Malgranda kvanto da ia komercaĵo servanta por konigi ĝin al la eventualaj aĉetontoj. 2 Skizo de ia afero destinita por vekti scivolon k atenton de tiuj, kiuj povas interesiĝi pri tio.

* **Spegulo.** 1 Glata brila surfaco, polurita aŭ ne, resendanta la lumon k la bildojn de la objektoj : *rigardi sin en la ~o; (f) la ~o de la akvoj (Kp GLATAĴO).* 2 (f) Reprezentaĵo, similaĵo, signo : *de l' koro ~o estas la okulo Z (Vd RAPORTI).* ~1 (tr). 1 Resendi la bildon de io : *la vesperstelo orbrile ~iĝas en la blua rivero.* 2 (f) Vidigi, esti la signo de io : *lia fizionomio ~is lian animon; lia vizaĝo ~as sanon; tiuj vortoj klare ~as la animstaton de la partoprenintoj; tiu artikolo ne ~as la opinion de la redakcio; tiu traduko ne ~as fidele la originalan tekston; la parlamento ~as la volon de la popolo; lia malamo ~iĝas tra multaj paĝoj.* Kp REPRODUKTI, IMITI, KOPII, REBRILI, OMBRO, PORTRETO, PERFIDI, SKRIBI.

Spektaklo. 1 Tio, kion oni vidas en teatro, kinejo aŭ cirko. 2 Ĉia vidaĵo, kiu altiras atenton k intereson.

Spektro. 1 Fantomo. 2 (f) Homo granda, maldika k malgrasa. 3 Vico da diversaj koloraj radioj rezultanta el malkomponiĝo de la lumo.

spekul = spekulacii.

Spekulacii (ntr). Negoci, esperante profiton nur el hazardaj okazoj.

Spekulativa. Bazita sur pure teoria rezonado, celante nur la scion, sen ia ajn praktika utilo : *tio havas nur ~an intereson.* Kp KABINETA. ~1 (ntr). ~e koncepti : *pri tio la filozofoj povas nur ~i per hipotezoj.*

spelo Z ☞. Speco de tritiko, kulturata en montarecaj regionoj k kies malgrandaj k brunaj grajnoj estas forte algluitaj al la grajnŝelo (spella).

Spermo. Vira naskiga sekrecio.

* **Sperta.** 1 (iu) Posedanta sciojn k lertecon akiritajn per praktika observado k agado : *~a homo; ne demandu scienculon, demandu ~ulon Z; sen~ulo (Vd MARĈO, FROTITA, NUKO, PASERO, PUŝO, TORDI).* 2 (io) Montranta lertecon